



ახალგაზრდა ადვოკატები YOUNG BARRISTERS

ლირსება თავისუფლება თანასწორობა DIGNITY LIBERTY EQUALITY

ივლისი, 2013, №01 (1)

პროექტი

იქმნება ახალგაზრდულ არასამთავრობო ორგანიზაციით კოალიცია

„ახალგაზრდა ადვოკატები“ 1 სექტემბრიდან, ახალ პროექტის განხორციელებას იწყებენ, რომლის სახელწოდებაცაა „ახალგაზრდული ორგანიზაციების სტრუქტურული დიალოგი სახელმწიფოსთან“. ევროპული გამოცდილება ადასტურებს, რომ ახალგაზრდული ორგანიზაციების მონაწილეობა სახელმწიფო ხელისუფლების ორგანოებთან ახალგაზრდული ინტერესების და ინიციატივებისთვის ხელსაყრელ გარემოს ქმნის, საქართველოს მაგალითზე კი, ვერ უზრუნველყოფს ფექტურ გავლენას ასეთი ინიციატივების განვითარებისა და ლობირებისათვის. ორგანიზაცია მიიჩნევს, რომ საკითხის სისტემური გააზრებით შესაძლებელია ამ პრობლემის ირგვლივ პროგრესის მიღწევა. სტრატეგიის სწორად დაგეგმვა და წარმართვა სასიცოცხლოდ მნიშვნელოვანია, რადგან თუ პოლიტიკის ავტორებს ახალგაზრდულმა ორგანიზაციებმა არ მიაწოდეს საკუთარი პრობლემები და მათი გადაჭრის გზები, ოღონდ კვალიფიციური რეკომენდაციების სახით, არ უნდა არსებობდეს იმის მაღალი მოლოდინი, რომ ხელისუფლება ცალმხრივად იქნება აქტიური.

ორგანიზაციას გამიზნული აქვს პროექტის იმგვარად ჩატარება, რომ მოიცავს, რაც შეიძლება მეტი დაინტერესებული მხარე, კონკრეტულად კი, თავისთავად, ახალგაზრდული არასამთავრობო ორგანიზაციები, მედია, კანონმდებლები, აღმასრულებლები, ექსპერტები და სამოქალაქო საზოგადოება ჩართოს დიალოგში შერჩეული თემების ირგვლივ.

მიუხედავად იმისა, რომ საქართველოში ფუნქციონირებს „ახალგაზრდულ ორგანიზაციათა ნაციონალური საბჭო“, იგი მიერთებულია რეგიონულ ფედერაციას, როგორცაა ევროპული ახალგაზრდული ფორუმი, ხოლო საერთაშორისო დონეზე - ევროპულ ახალგაზრდულ პორტალს. ამგვარი საბჭო, როგორც ახალგაზრდულ ორგანიზაციათა წარმომადგენლობითი ორგანო, ორიენტირებულია არასამთავრობო ორგანიზაციათა ევროპულ დონეზე წარმომადგენლობისთვის, პროექტის ფარგლებში შექმნილი პლატფორმა კი, ფუნქციონირებს და მინაარსობრივად განსხვავებულია საბჭოსაგან: ა) იგი ერთის მხრივ ქმნის ორგანიზებულ ეროვნულ ქსელს, რადგანსაც ორიენტირებულია რეგიონებზე, ბ) კოალიციისათვის თემატურ პრიორიტეტად განისაზღვრება სტრუქტურული დიალოგი და გ) კოალიცია არ ისახავს მიზნად კამპანიის წარმოებას ან ახალგაზრდული პოლიტიკის თემის ადვოკატირებას. მისი მიზანია, გადაწყვეტილების მიღების პროცესში თანამონაწილეობა.

საქართველოში, ამჟამად ახალგაზრდული არასამთავრობო ორგანიზაციები, არაფრად იქნებიან ექვემდებარებიან ეროვნულ დონეზე, არამედ მათ საქმიანობას ახასიათებს ფრაგმენტულობა და არა-ორგანიზებულია. ამიტომაც, ადგილობრივ დონეზე შექმნილი ქსელი უზრუნველყოფს შემდეგი მნიშვნელოვანი გარემოებების მიმართ მკვეთრი ხედვის ჩამოყალიბებას:

- შეაფასებს ახალგაზრდობის მონაწილეობის დონეს;
- განსაზღვრავს აქტივობის სფეროებს;
- აღმოაჩენს ახალგაზრდული ორგანიზაციების ძირითად პრობლემებს და განსაზღვრავს პრიორიტეტულ მიმართულებებს სამთავრობო უწყებებთან ურთიერთობისას;
- იდენტიფიცირებას გაუკეთებს დიალოგის ხელისშემშლელ პრობლემებს;
- განიხილავს საქართველოში ახალგაზრდების რეალურ მდგომარეობას, ქართულ საზოგადოებაში ახალგაზრდების როლსა და პასუხისმგებლობის გადანაწილებას ახალგაზრდებსა და სახელმწიფოს შორის;
- განსაზღვრავს სამოქალაქო აქტივობის ან პასივობის მიზეზებს;
- იპოვს გზებს, რომელთა მეშვეობითაც შესაძლებელი გახდება ახალგაზრდობის მეტად ჩართვა საზოგადოებრივ ცხოვრებაში;
- დახვეწს სახელმწიფო ახალგაზრდული პოლიტიკის ერთ მიმართულებას - მონაწილეობას და დაუახლოებს მას ევროპულ სტანდარტებს;

ევროკავშირის წევრი-სახელმწიფოების მაგალითზე, გამოავლენს საუკეთესო პრაქტიკას და შეიმუშავებს ინსტიტუციურ მოდელს სტრუქტურული დიალოგისათვის, სარეკომენდაციო პაკეტს, რომელიც ასახავს ევროკავშირის პრიორიტეტებსა და სტრატეგიებს;

შეიტანს წვლილს ახალგაზრდობის სექტორში არსებული მდგომარეობის გასაუმჯობესებლად გრძელვადიანი სახელმწიფო ხედვის ჩამოყალიბებისათვის;

„ახალგაზრდა ადვოკატები“ მკითხველს პროექტის ირგვლივ ამომწურავ ინფორმაციას განხორციელების დაწყებისთანავე მიანდის, ხოლო ორგანიზაციები, რომლებიც პროექტთან თანამშრომლობითაა დაინტერესებული, შეუძლიათ გამოგვეხმარონ შემდეგ მისამართზე: თბილისი, ვაჟისუბნის ქუჩა №7, ელექტრონული მისამართი: pryoungharristers@yahoo.com

31 ივლისის ბრიფინგი

„ახალგაზრდა ადვოკატები“ ირაკლი ალასანიას მიმართავს



სამხედრო მოსამსახურეების კვებით უსაფრთხოებაში პრობლემები

„ახალგაზრდა ადვოკატები“ საგანგაშოდ მიიჩნევენ საქართველოს შეიარაღებული ძალების კვების უსაფრთხოებაში არსებულ მდგომარეობას და მიმართავენ საქართველოს თავდაცვის მინისტრს, ირაკლი ალასანიას საზოგადოებისთვის მიწოდებულ იქნეს ინფორმაცია, ვინ უზრუნველყოფს და რამდენად შესაბამისობაშია სტანდარტებთან სამხედრო მოსამსახურეთა კვებით უზრუნველყოფა.

ორგანიზაცია ითვლისწინებს შემთხვევას, რომელიც ქუთაისში, 11 სამხედრო მოსამსახურის მონაწილეს ფაქტთან დაკავშირებით, ცოტა ხნის წინ მოხდა. აგრეთვე, ჯარისკაცების მონაწილეს ფაქტები დაფიქსირდა გორში, ვაჟიანსა და ფოთის სამხედრო ნაწილებში. ხოლო როგორც საზოგადოებრივ წრეებში გახდა ცნობილი, საკვები პროდუქტებით მონაწილეს გაუხმარებელი შემთხვევა მოხდა სენაკის სამხედრო ბაზაზე. მოინაშლა 52 ჯარისკაცი. შემთხვევა 2013 წლის 25 ივლისს მოხდა.

ორგანიზაცია ყურადღებას ამახვილებს გარემოებაზე, რომლის შედეგადაც, სამხედრო მოსამსახურეები არანორმირებულიდან ნორმირებული კვებით რეჟიმზე გადავიდნენ, თუმცა უცნობია, რომელი კომპანიები იღებენ პასუხისმგებლობას უწყებაში ლოჯისტიკის სფეროს ეფექტურ მუშაობასა და უსაფრთხოებაზე.

ორგანიზაცია თავდაცვის სამინისტროს კვებით უსაფრთხოების მიმართულებით კონტროლის გაძლიერებისკენ მოუწოდებს და მიმართავს, დააყენოს კვებით უზრუნველყოფა-

ზე კონტრაქტორი კომპანიების პასუხისმგებლობა, თუ ეს ინფორმაცია დადასტურდება.

არსებული ინფორმაციით, დღეს კომპანია „ქართული კვება“ შეიარაღებულ ძალების სისტემაში ლიდერი კონტრაქტორია, რომელიც სფეროში ფაქტობრივ მონოპოლიას ფლობს. შესაბამისად, ჯარისკაცების მონაწილეს შემთხვევები, აუცილებლობას ზადებს, მეტი სიცხადე და გამჭვირვალობა არსებობდეს კვებით უსაფრთხოების სფეროში, ხოლო სამინისტრომ და მინისტრმა გაცილებით მეტი ყურადღება უნდა გამოიჩინოს ამ მიმართულებით. განაახლოს სატენდერო კონკურსი, რადგანაც კომპანიები, რომლებიც მონაწილეობას იღებდნენ სამინისტროს მიერ 2013 წლის თებერვალში გამოცხადებულ 4 ტენდერში, გამოირჩეოდნენ ფასათა სხვაობით და შემთავაზებული მომსახურების ხარისხით.

„ახალგაზრდა ადვოკატები“ განმარტებებს მოითხოვს, თუ რამდენად დგას აუცილებლობა შეიარაღებული ძალების კვების უზრუნველყოფისთვის, 2013 წლის ივნისში შეწყვეტილი ტენდერები განახლდეს.

ამასთან, მნიშვნელოვანია სამინისტროს და მინისტრის მხრიდან გაკეთდეს განმარტებები, სამხედრო მოსამსახურეთა არანორმირებული კვების სისტემის დატოვება, საბოლოო გადაწყვეტილება თუ დროებითი გარემოება და რა ცვლილებები იგეგმება ამ მიმართულებით. ორგანიზაციამ აღნიშნულთან დაკავშირებით, ირაკლი ალასანიას უკვე ოფიციალური წერილითაც მიმართა.

ინიშიატივა

ინსტიტუციური დიალოგი ალმასრულებელ, საკანონმდებლო, სასამართლო ხელისუფლებასთან



„ახალგაზრდა ადვოკატები“ ახალ ინიციატივას იწყებენ

მოკლედ

- ორგანიზაციამ 11 ივლისს, რეკომენდაციით მიმართვა საქართველოს ცენტრალური საარჩევნო კომისიის თავმჯდომარეს ზურაბ ხარატიშვილს და არჩევნებიდან 97 ათასი ამომრჩევლის მოხსნის ფაქტთან დაკავშირებით უარყოფითი პოზიცია დააფისირა. ორგანიზაციამ მოუწოდა ცსკო—ს მიეღო ამომრჩევლებისთვის რეგისტრირების გადაწყვეტილება.
- ორგანიზაციამ 12 ივლისს წერილით მიმართვა შპს „თბილისის მიკროავტობუსის“ დირექტორ დავით ასანიძეს მგზავრობის ღირებულების და სფეროში არსებული სხვა ტექნიკური პრობლემური საკითხების მიმართ კომპანიის პოზიციის დადგენის მიზნით. ორგანიზაცია საზოგადოებას მიანდის ინფორმაციას კომპანიის ოფიციალური პასუხის შესახებ, რომელიც შპს „თბილისის მიკროავტობუსების“ საქმიანობის მიმართ დამატებით კითხვებს ტოვებს.
- ორგანიზაციამ 12 ივლისს წერილით მიმართვა საქართველოს პარლამენტის თავმჯდომარეს, დავით უსუფაშვილს სახელმწიფო საკონსტიტუციო სახელმწიფო კომისიაში ჩართვის შესახებ. ორგანიზაციას გააჩნია კონკრეტული საკანონმდებლო წინადადებები, მათ შორის ადვოკატთა ინსტიტუციური დაცვის მექანიზმების შემოღებასთან დაკავშირებით, რომლის წარდგენაც ახალ საკონსტიტუციო სახელმწიფო კომისიაში იგეგმება.
- ორგანიზაციამ 12 ივლისს წერილით მიმართვა საქართველოს სტატისტიკის ეროვნული სამსახურის უფროსს, ზაზა ჭელიძეს საყოველთაო აღწერის მიმდინარეობის შესახებ. ორგანიზაცია საქსტატიდან მიღებულ მონაცემებს და ინფორმაციას მოგვიანებით გააცნობს საზოგადოებას.
- ორგანიზაციამ 15 ივლისს, რეკომენდაციით მიმართვა საქართველოს შინაგან საქმეთა მინისტრ ირაკლი ლარიაშვილს ქიბულეთში მომხდარი ინციდენტის ეფექტური გამოძიების შესახებ. ორგანიზაციის საჯარო განცხადებას საქართველოს შინაგან საქმეთა სამინისტრომ საკითხზე არასამთავრობოებთან შეხვედრით უპასუხა.
- ორგანიზაციამ 19 ივლისს წერილით მიმართვა საქართველოს იუსტიციის მინისტრის, თეა წულუკიანს ირაკლი ქველაძის საქმის პირად კონტროლზე აყვანის შესახებ. მინისტრმა მიმართვა სამინისტროს გენერალურ ინსპექციაში გადაამისამართა, ხოლო 30 ივლისს, გენერალური ინსპექციის წარმომადგენელი, იუსტიციის სამინისტროში, საქმეში არსებული მტკიცებულებების დაზუსტების მიზნით, შეხვდა ირაკლი ქველაძის ადვოკატს და ორგანიზაციის ერთ—ერთ ხელმძღვანელს, არჩილ კაიკაციშვილს.
- ორგანიზაციამ 19 ივლისს მიმართა საქართველოს სასჯელაღსრულების, პრობაციისა და იურიდიული დახმარების საკითხთა მინისტრს, სოზარ სუბარს ციხეში არჩევნების მოსამზადებელი სამუშაოების შესახებ. ორგანიზაცია ინტერესს გამოთქვამს ციხეში საპრეზიდენტო არჩევნების სტანდარტების დაცვით ჩატარების მონიტორინგით.
- ორგანიზაციამ 19 ივლისს წერილით მიმართვა საქართველოს ფინანსთა სამინისტროს შემოსავლების სამსახურის უფროსს, ლაშა ზუციშვილს ლიდერი გადამხდელი კომპანიების მონაცემების მონივრის შესახებ.

მოკლედ

- ორგანიზაციამ 26 ივლისს წერილით მიმართვა საქართველოს განათლებისა და მეცნიერების მინისტრს, თამარ სანიკიძეს ტერიტორიული ორგანოების — საგანმანათლებლო რესურსცენტრებისა და საჯარო სკოლების თანამშრომელთა პოლიტიკური შეხედულებების გამო სამსახურიდან გათავისუფლების საკითხების შემსწავლელი კომისიის უფლებამოსილების გაზრდის შესახებ. ორგანიზაციის პოზიციაა კომისიამ განიხილოს პროფესიული სასწავლებლებიდან გათავისუფლებულთა საქმეებიც. ორგანიზაცია ცვლილებების საჭიროებას ქობულეთის პროფესიული კოლეჯ „ახალი ტალღიდან“ პოლიტიკური ნიშნით გათავისუფლებული თამარ კაიკაციშვილის საქმეზე დაყრდნობით მიიჩნევს.
- ორგანიზაციამ 30 ივლისს წერილით მიმართვა საქართველოს სამინისტროებს, პარლამენტის თავმჯდომარეს, საპარლამენტო კომიტეტებს, სასამართლო სისტემის პირველ პირებსა და აჭარის საკანონმდებლო და აღმასრულებელი ხელისუფლების პირველ პირებს სტრუქტურული დიალოგის დაწყების შესახებ. სულ მომზადდა 38 წერილი.
- ორგანიზაციამ 30 ივლისს წერილით მიმართა საქართველოს პარლამენტის თავმჯდომარეს, პარლამენტის ეკონომიკური პოლიტიკის განმსაზღვრელ კომიტეტებსა და პარლამენტის ცალკეულ დეპუტატებს მომზადებული კვლევის: „საბჭოთა და პოსტსაბჭოთა ანბანების სამართლებრივი ანალიზის“ საფუძველზე შემუშავებული სარეკომენდაციო პაკეტის მხარდაჭერისთვის.
- ორგანიზაციამ 31 ივლისს წერილით მიმართვა საქართველოს თავდაცვის მინისტრს, ირაკლი ალასანიას ჯარში საკვებით უზრუნველყოფის სისტემის გამცატრების შესახებ.
- ორგანიზაციამ „ნდობის გაზრდა საარჩევნო პროცესებისადმი“ საგრანტო პროექტის ფარგლებში, მოამზადა და წარადგინა პროექტი: „ინფორმირებული მაღალმთიანი რეგიონის მოსახლეობა საპრეზიდენტო არჩევნებისათვის“. (ITEP)
- ორგანიზაციამ მოამზადეს ინიციატივა: „ინსტიტუციური დიალოგი აღმასრულებელ, საკანონმდებლო, სასამართლო ხელისუფლებასთან“.
- ორგანიზაციამ მოამზადეს პროექტი ახალგაზრდული საზოგადოებრივი კოორდინირებული საქართველოს პოლიტიკური და ეკონომიკური განვითარების ხელშეწყობისთვის“. პროექტის განხორციელება დაგეგმილია აგვისტოს მეორე ნახევარში.
- ორგანიზაცია მუშაობდა კვლევაზე: „ქობულეთის საკრებულოს საქმიანობის საზოგადოებრივი კონტროლი 2012 წელს“ დასკვნა გამოქვეყნდება აგვისტოს მეორე ნახევარში.
- ორგანიზაციამ დაიწყო მუშაობა კვლევაზე: „ლიდერი კომპანიები ახალი შრომის კოდექსის სტანდარტების დაცვის პროცესში“. დასკვნა გამოქვეყნდება სექტემბრის მეორე ნახევარში.
- ორგანიზაციამ მოამზადა დასკვნა: „რწმენისა და აღმსარებლობის გამოხატვის შესაძლებლობა საქართველოში — რეკომენდაციების პაკეტი“. დასკვნა გამოქვეყნდება აგვისტოს მეორე ნახევარში.
- ორგანიზაციამ დაიწყო მუშაობა კვლევაზე: „დანაშაულის სტატისტიკა საქართველოში, 2012 წლის 1 ოქტომბრის შემდეგ“. დასკვნა გამოქვეყნდება სექტემბრის პირველ ნახევარში.
- ორგანიზაციის ადვოკატებმა მოიგეს საქმე თბილისის სააპელაციო სასამართლოში. სასამართლოს გადაწყვეტილებით, მოქალაქე ნელი ჯ — არ დაუდასტურდა უსაფუძვლო გამდიდრება და სასამართლომ არ დააკმაყოფილა პირველი ინსტანციის გადაწყვეტილება 10 100 ევროს დაკისრებასთან დაკავშირებით.
- ორგანიზაციის ადვოკატებმა თბილისის სააპელაციო სასამართლოში გაასაჩივრეს თბილისის საქალაქო სასამართლოს გადაწყვეტილება, რომლითაც, არ მოხდა ურთიერთგამიჯვნის ხელშეკრულების ბათილად ცნობა. მოსარჩელე ილია, გიორგი და თინა ჯ — ები უჩივიან ერთ — ერთი სამინისტროს ფინანსური დებარტამენტის უფროსს, კობა ხ — ს.

15 ივლისის ბრიფინგი

შსს სამინისტრომ ქობულეთის ინსტიტუტზე მისამი სექტორთან ჯეროვანი კომუნიკაცია აწარმოა



ორგანიზაცია „ახალგაზრდა ადვოკატები“ მიესალმება საქართველოს შინაგან საქმეთა სამინისტროს მხრიდან ქობულეთის ინციდენტთან მიმართებით მყისიერ რეაგირებას და შეხვედრას არასამთავრობო სექტორის წარმომადგენლებთან. მიგვაჩნია, რომ სამინისტროს საზოგადოებასთან ურთიერთობის ხელმძღვანელ ნინო გიორგობიანთან 2013 წლის 15 ივლისს შეხვედრა იყო მესამე სექტორის წარმომადგენლებთან სამინისტროს ეფექტური კომუნიკაციის გამოხატულება. შეხვედრა იყო აქტუალური და დაისვა ყველა კითხვა, რომელიც საქმის მიმართ არსებობდა.

საქართველოს შინაგან საქმეთა სამინისტრომ უფლებდამცველებს ის ვიდეო — ფირი გააცნო, სადაც ჩანს ქობულეთში, დაკავების შემდგომ ახალგაზრდების მხრიდან პოლიციის მი-

მართ გამოხატული სიტყვიერი შეურაცხყოფა. უფლებდამცველების მხრიდან დეტალურად იქნა განხილული საქმესთან დაკავშირებული მიზეზ — შედეგობრივი კავშირი, რომელიც შემთხვევის ცალკეული გარემოებებიდან გამომდინარეობდა. დაისვა გავრცელებული კადრების ავთენტურობის საკითხიც. ამასთან, ორგანიზაციებმა მიიღეს ინფორმაცია დაკავებული ახალგაზრდების წარსულში ჩადენილი კანონდარღვევების შესახებ, თუმცა ცალსახად იქნა აღნიშნული, რომ ნებისმიერი შემთხვევის მიმართ, პასუხისმგებლობა ინდივიდუალურია.

„ახალგაზრდა ადვოკატებმა“ მიიღეს ინფორმაცია, რომ საქმეზე მიმდინარე გამოძიება, დაახლოებით, ერთ კვირაში დარსულდება. ორგანიზაციის შეფასებით, მნიშვნელოვანია საზოგადოება დაელოდოს გამოძიების შედეგებს და არ მოხდეს საკითხის მიმართ მცდარი შინაგანი რწმენის ჩამოყალიბება. ორგანიზაციის შეფასებით, არსებობს გამოძიების მიმართ კანონიერი ნდობა. შესაბამისად, მნიშვნელოვანია საქმეზე მიღებული გადაწყვეტილების გაცნობა, რათა საქმეზე დადგინდეს სიმართლე და აღდგეს სამართლიანობა.

შეგახსენებთ, რომ „ახალგაზრდა ადვოკატებმა“ საქართველოს შინაგან საქმეთა მი-

ნისტრ ირაკლი ლარიბაშვილს 2013 წლის 15 ივლისს მიმართეს, რათა დაჩქარდეს გამოძიება იმ საქმეზე, რომელიც ეხება ქობულეთის პოლიციის თანამშრომლების ქმედებებს, რომლებმაც, „ახალგაზრდა ადვოკატების“ ინფორმაციით, 2013 წლის 25 — 26 მაისს, სამი ქობულეთელი ახალგაზრდის მიმართ ჩადიდნეს არამართლზომიერი ქმედება. სამინისტროს მიერ დღეს წარმოდგენილი ვიდეო — მასალით, ამ ეტაპზე, წინააღმდეგობის ფაქტი, მხოლოდ დაკავებული მხრიდან ვლინდება, თუმცა მნიშვნელოვანია საქმეზე ყოვლისმომცველი დასკვნის გაცნობა და მიღებული შედეგების შესახებ საზოგადოების შემდგომი ინფორმირება.



ივლისის ბრიფინგი

„ახალგაზრდა ადვოკატებმა“ ირაკლი ალასანიას სამიჯნოთა წყალობით მიმართეს



„ახალგაზრდა ადვოკატებმა“ საქართველოს იუსტიციის მინისტრს თეა წულუკიანს მიმართეს და უწყებიდან პოლიტიკური ნიშნით გათავისუფლებული ირაკლი ქველადის საქმის პირად კონტროლზე აყვანა სთხოვეს. ირაკლი ქველადის ინტერესებს ორგანიზაციის სახელით ერთ-ერთი ხელმძღვანელი, არჩილ კაიკაციშვილი და იურისტი ნინო ისაკაძე დაიცვეს. იუსტიციის სახლში არსებული პრობლემების გასაჯაროებისა და განსხვავებული სამოქალაქო პოზიციის გამო, სახელმწიფო სერვისების განვითარების სააგენტოს უფროსმა, იუსტიციის სახლისა და თბილისის იუსტიციის სახლის დირექტორებთან შეთანხმებით, სამსახურიდან ხანგრძლივი სივრცის ოპერატორი ირაკლი ქველადე გაანთავისუფლეს.

ირაკლი ქველადე 2012 წლის ნოემბერში, ორგანიზება გაუწია იუსტიციის სამინისტროს თანამშრომლების ღია წერილის მომზადებას მინისტრს თეა წულუკიანის შეხვედრის მოთხოვნით. ირაკლი ქველადე მინისტრს მიანოდა ინფორმაცია თანამშრომლების სოციალური და შრომითი უფლებების დარღვევის, შრომითი ხელშეკრულებებით გათვალისწინებული შევსებულების აკრძალვის, უქმე დღეებისა და შესვენების პერიოდში დაწესებული გრაფიკის გამოუყენებლობის შესახებ. ირაკლი ქველადე, ასევე მინისტრს გადასცა ოფიციალური დოკუმენტაცია იუსტიციის სახლის მაღალი თანამდებობის პირების პრემიებისა და ხელფასების შესახებ და მითითა, რომ ამ თვალსაზრისითაც, დამსაქმებელსა და დასაქმებულს შორის უთანასწორო დამოკიდებულება არსებობდა. მიუხედავად ამისა, ირაკლი ქველადესთან, 2013 წლის 31 იანვარს, სახელმწიფო სერვისების განვითარების სააგენტომ შრომითი ხელშეკრულების შეწყვეტის გადაწყვეტილება მიიღო. სააგენტომ ყველა თანამშრომელს ხელშეკრულება გაუგრძელა, თუმცა არა ირაკლი ქველადეს, რომელსაც ამ დრომდე, ოფიციალურად, სააგენტოდან, მიღებული გადაწყვეტილების შესახებ დასაბუთება არ მიუღია. ამჟამად, ირაკლი ქველადის საქმე, თბილისის საქალაქო სასამართლომ წარმოებაში მიიღო.

ირაკლი ქველადე გათავისუფლებას თავის განსხვავებულ პოლიტიკურ შეხედულებას, გამოხატვის თავისუფლებას და იუსტიციის სახლის მაღალი თანამდებობის პირების მხილებას უკავშირებს. მოსარჩელე ასაბუთებს, რომ

ადგილი ჰქონდა პოლიტიკური ნიშნით დისკრიმინაციას და სააგენტოს ბრძანების გაუქმებას და თანამდებობაზე აღდგენას მოითხოვს.

„ახალგაზრდა ადვოკატებმა“ შაჰინის ხელმოწერით გააყალიბეს სარჩილი შეიჯანსაღეს

„ახალგაზრდა ადვოკატებმა“ სსიპ განათლების ხარისხის განვითარების ეროვნულ ცენტრს თბილისის საქალაქო სასამართლოში უჩივის, თუმცა ადმინისტრაციულ ორგანოსთან დავა, თავისი შინაარსით, ცდება სამართლებრივ მსჯელობას და საზოგადოებისთვის ცნობილ ხდის განათლებისა და მეცნიერების ყოფილი მინისტრის, დიმიტრი შაშკინის პერიოდში სტუდენტებისთვის ყალბი სერტიფიკატების გაცემის ფაქტს. საქმე ეხება დიმიტრი შაშკინის მინისტრობის დროს, შაშკინის ხელმოწერით, სამედიცინო კოლეჯის სტუდენტებისთვის გაცემულ სწავლის დასრულების დამტკიცებულ სერტიფიკატებს. თბილისის №1 სამედიცინო სასწავლებელი 2008-2009 წლებში, კურსდამთავრებულებისთვის ყალბ სერტიფიკატებს, დიმიტრი შაშკინის ხელმოწერით



გაცემდა, მაშინ, როდესაც აღნიშნულ პერიოდში, სასწავლებელს არც სახელობო საგანმანათლებლო საქმიანობის ლიცენზია გააჩნდა და არც უფლებამოსილება — სერტიფიკატები გაეცა. ამ მიმართულებით, სასწავლებლის საქმიანობასა და მიღებულ გადაწყვეტილებებზე, კონტროლის ვალდებულება, უშუალოდ მინისტრ დიმიტრი შაშკინს უნდა მოეხდინა, თუმცა სერტიფიკატები იბეჭდებოდა სწორედ დიმიტრი შაშკინის ხელმოწერით და სამინისტროს კანონდარღვევის ფაქტზე რეაგირება, ნებისმიერ შემთხვევაში, არ მოუხდენია.

ორგანიზაციამ თბილისის საქალაქო სასამართლოს მას შემდეგ მიმართა, როდესაც სამედიცინო სასწავლებლის კურსდამთავრებულს, ნინო ქუშისაშვილს დამსაქმებელთა სერტიფიკატის ნამდვილობის საკითხის გარკვევის დროს, პრობლემები შეექმნა. სამინისტრომ მოსარჩელესთან კომუნიკაციის დროს არ გაითვალისწინა ნინო ქუშისაშვილის კანონიერი უფლებები და ინტერესები, კეთილსინდისიერება სასწავლებელთან ურთიერთობის დროს და სერტიფიკატის აღიარებაზე უარი განაცხადა. საქმეს მოსამართლე ნინო ონიანი განიხილავს, ხოლო მოსარ-

ჩელის ინტერესებს, ორგანიზაციის ერთ-ერთი ხელმძღვანელი, ადვოკატი მარიკა არევაძე წარმოადგენს. აღნიშნული ინფორმაციის გასაჯაროების შემდეგ, მედიაში კომენტარი დიმიტრი შაშკინმა გააკეთა, რომელმაც ორგანიზაციას კვალიფიციურობა დაუწუნა და ბრალდებები უარყო. ორგანიზაცია სასამართლოს კანონიერ ძალაში გადამტკიცების შესვლამდე ყოფილი მინისტრის ბრალდებებს არ უპასუხებს.

სამი ორგანიზაციის პოზიციის მიხედვით მონაპორომთა დაკავშირებით

საქართველოში მინის შესახებ დაცვის კანონმდებლობა ძირითად ცვლილებებს საჭიროებს და რეგულაციას ეროვნული ინტერესების გათვალისწინებით მოითხოვს, რადგანაც, 2004-2012 წლებში გატარებულმა სამთავრობო პოლიტიკამ ქართული მინის უკონტროლოდ გასხვისება გამოიწვია. სწორედ ამ თვალსაზრისითაა მისასაღებელი და უმნიშვნელოვანესი საქართველოს პარლამენტის გადაწყვეტილება, დროებითი მონატორიუმი დაწესდეს მინის გასხვისების პროცესზე, მოხდეს მინების რეგისტრაცია, რაც ზოგიერთი არასამთავრობო ორგანიზაციის მიერ საქართველოს კონსტიტუციის დარღვევად შეფასდა. მინის გასხვისების კანონმდებლობის გაქცევა არ ნიშნავს საბოლოოდ აიკრძალოს მინის ყიდვის შესაძლებლობა, ხოლო ხელისუფლების გადაწყვეტილებით, მნიშვნელოვანია დაცული იქნეს საჯარო ინტერესი. სწავლასა და ქვეყნის პრაქტიკაში გამოავლინა, რომ საქართველოს მსგავსი რეგულაციები არსებობს, მათ შორის შვეიცარიაში, იტალიაში, იაპონიაში, ნორვეგიაში, გერმანიაში, სადაც საკმაოდ რთული პროცედურების გავლა შემოღებული უცხოეთის მოქალაქემ დაისაკუთროს მინა.

სამი არასამთავრობო ორგანიზაციის — „ახალგაზრდა ადვოკატების“, „უფლებდამცველთა გაერთიანებისა“ და „ახალგაზრდა ფინანსისტთა და ბიზნესმენთა ასოციაცია — აფბას“ შეხედულებით, თუკი საქართველოს საკონსტიტუციო სასამართლო ა/ო „საერთაშორისო გამჭვირვალობა — საქართველოს“ სარჩელს მიიღებს და დააკმაყოფილებს, ქვეყანაში უცხო მოქალაქეებზე ქართული მინების გასხვისების პროცესი გაგრძელდება, მინის ბაზარზე წარმოქმნილი უკონტროლობა კი საქართველოს მომავლისთვის სასურველ შედეგებს არ მოიტანს. სამი არასამთავრობო ორგანიზაცია მხარდაჭერას გამოთქვამს სამთავრობო ინიციატივის მიმართ და საქართველოს პარლამენტის მიერ 2013 წლის 28 ივნისს, საქართველოს კანონში: „სასოფლო-სამეურნეო დანიშნულების მინის საკუთრების შესახებ“ მიღებულ ცვლილებებს მისაღებს შესახებ. ვთვლით, რომ ქვეყანაში მინების გასხვისება უნდა შეჩერდეს შესაბამისი კანონმდებლობის დახვეწამდე.



ინსტიტუციური დიალოგი ალმასრულებელ, საკანონმდებლო, სასამართლო ხელისუფლებასთან „ახალგაზრდა ადვოკატები“ ახალ ინიციატივას იწყებენ

„ახალგაზრდა ადვოკატები“ აღმასრულებელ, საკანონმდებლო და სასამართლო ხელისუფლებასთან სტრუქტურულ დიალოგს იწყებენ. ინსტიტუციური დიალოგში მონაწილეობისთვის ოფიციალური შეტყობინება უკვე გაეგზავნა საქართველოს პრეზიდენტს და პრეზიდენტის ადმინისტრაციას, საქართველოს პრემიერ—მინისტრს და ცხრამეტივე სამინისტროს მინისტრს, საქართველოს პარლამენტის თავმჯდომარეს, კომიტეტის თავმჯდომარეებს, ფრაქციების ხელმძღვანელებსა და საპარლამენტო უმცირესობის ლიდერს, აჭარის ა/რ აღმასრულებელი და საკანონმდებლო ხელისუფლების პირველ პირებსა და საქართველოს უზენაესი სასამართლოს თავმჯდომარეს. აგრეთვე, თბილისის საქალაქო, თბილისის სააპელაციო და ქუთაისის სააპელაციო სასამართლოს თავმჯდომარეებს. ორგანიზაცია ინსტიტუციურ დიალოგს 2013 წლის 1 აგვისტოდან დაიწყებს და ინიციატივა მუდმივმოქმედი პროცესი იქნება.

რატომ ინსტიტუციური დიალოგი?

ინიციატივა გულისხმობს ორგანიზაციის მჭიდრო ურთიერთობას საქართველოს აღმასრულებელ, საკანონმდებლო და სასამართლო ხელისუფლების წარმომადგენლებთან სისტემური სიახლეების, მიმდინარე რეფორმებისა და პრობლემური საკითხების გაცნობის მიზნით. 2012 წლის ოქტომბრის საპარლამენტო არჩევნების შემდეგ აღმასრულებელ, საკანონმდებლო და სასამართლო ხელისუფლების წარმომადგენლებთან ინსტიტუციური დიალოგს განსაკუთრებული მნიშვნელობა ენიჭება. არსებობს მალალი საჯარო ინტერესი საქართველოს მთავრობის, პარლამენტისა და სასამართლო სისტემის ფექტური მუშაობის მიმდინარეობასთან დაკავშირებით. არაერთი საჯარო დაწესებულება განიცდის ცვლილებებს, გრძელდება რეფორმები ეკონომიკური პოლიტიკის, განათლების, კულტურის, უსაფრთხოების, თავდაცვის, ჯანდაცვის, იურიდიული დახმარების, იუსტიციის, საგარეო კონტაქტების გაღრმავების, რეგიონალური თვითმმართველობების დახვეწისა და ოკუპირებული ტერიტორიების მიმართ სამშვიდობო ინიციატივების წარმოდგენის მიმართულებით. საქართველოს ახალი ხელისუფლების პოლიტიკით, საზოგადოებრივი ცხოვრების თითქმის ყველა სფერო მიზნად გაუმჯობესებას და საჯარო ინტერესის გათვალისწინებას ისახავს. შესაბამისად, პროცესის მიმართ და რეფორმის შედეგებთან დაკავშირებით, მალალია ინტერესიც და მოლოდინებიც. ამიტომაც, აღმასრულებელ, საკანონმდებლო და სასამართლო ხელისუფლებას უფლება არ აქვს დაუშვას შეცდომები, რომელსაც ადგილი ჰქონდა 2004—2012 წლებში. ხელისუფლების შტოთა საქმიანობის მიმართ ნდობას, გამჭვირვალობას და ავტორიტეტს საზოგადოებასთან მუდმივი კომუნიკაცია და ინსტიტუციური დიალოგი განსაზღვრავს. ამ მიმართულებით, მედიასთან ერთად, მთავარი როლი არასამთავრობო ორგანიზაციებს უჭირავთ. მესამე სექტორი ვალდებულია პირუთენელად აფასებდეს საჯარო უწყებაში მიმდინარე საქმიანობას და ინფორმაციას აწვდის საზოგადოებას. საკითხების მიმართ ობიექტური დამოკიდებულება ერთ—ერთი ყველაზე გამოკვეთილი პრინციპია, რომელიც ინსტიტუციური დიალოგის პროცესში, არასამთავრობო ორგანიზაციამ უნდა დაცვას. დიალოგი აუცილებელია, რადგანაც აღმასრულებელ, საკანონმდებლო და სასამართლო ხელისუფლებებში მიმდინარე საქმიანობას საფუძვლად უდევს ახალი ხელისუფლებისათვის მძიმე პოლიტიკური, სამართლებრივი და სოციალური მემკვიდრეობა, მმართველ პოლიტიკურ ძალასა და საპარლამენტო ოპოზიციას შორის დაწყებული კოჰაბიტაცია, პოლიტიკური მანიპულაციები, რითაც შესაძლებელია ზოგიერთი მნიშვნელოვანი წინადადება, ინიციატივა და მოვლენა ყურადღების მიღმა დარჩეს. ამ მიმართულებით, ახალგაზრდობის ჩართულობა და აღმასრულებელ, საკანონმდებლო და სასამართლო ხელისუფლებასთან ინსტიტუციური დიალოგის კულტურის დამკვიდრება მნიშვნელოვან წვლილს შეიტანს სახელმწიფო ინსტიტუტების პასუხისმგებ-



ლობის, ანგარიშვალდებულებისა და საზოგადოებასთან კომუნიკაციის მუდმივობაში, რაც უფრო მეტად გახდის საზოგადოებრივ აზრს სტაბილურს და მოქალაქის ინტერესს დაუბრუნებს ნამდვილ ფუნქციას.

რა ფორმით ნაირმატია ინიციატივა დიალოგი?

ორგანიზაცია ინსტიტუციური დიალოგის განხორციელებისთვის ურთიერთობას ამყარებს აღმასრულებელ, საკანონმდებლო და სასამართლო ხელისუფლების წარმომადგენლებთან. შეხვედრის მიზანია, სრულად იქნეს გადმოცემული ინფორმაცია საჯარო უწყების საქმიანობის, პრიორიტეტებისა და სიახლეების შესახებ. ინსტიტუციური დიალოგის ფარგლებში, ორგანიზაცია წარადგენს სტუმარს, განმარტავს შეხვედრის აუცილებლობას, მიმართავს სტუმარს უწყებაში მიმდინარე ერთი ან/და რამდენიმე სიახლის გაცნობის მიზნით, ხოლო დიალოგის მეორე ნაწილი მთლიანად ეთმობა კითხვა—პასუხის რეჟიმს, სადაც წარმომადგენლების მიერ დასმული შეკითხვები პირდაპირ კავშირში იქნება საჯარო უწყებასთან ან/და ხელმძღვანელ პირთან და მოითხოვს მჭიდრო კონკრეტულ, დახვეწილ, ახსნას და საზოგადოებამდე სრულფასოვნად მიტანას. ღონისძიებაში მონაწილეობის უფლება გააჩნია ორგანიზაციის გუნდს და წევრ ადვოკატებს. შეხვედრა ღია იქნება მასობრივი საინფორმაციო საშუალებების წარმომადგენლებისთვის. შესაძლებელია, მიღებულ იქნეს შეხვედრაზე სხვა არასამთავრობო ორგანიზაციების დასწრების გადგენილება, რომლის საჭიროებაც, ერთობლივად განსაზღვრავს, ორგანიზაციის სადამფუძნებლო საბჭო და საჯარო უწყების საზოგადოებას.

თან ურთიერთობის სამსახური. სტუმარი უზრუნველყოფს საზოგადოების ინფორმირებას შეხვედრის თემატიკასთან მიმართებით.

რა პერიოდულობით გაიმართება შეხვედრები?

ორგანიზაცია ინსტიტუციური დიალოგის განხორციელებას ყოველთვიური ფორმატით უზრუნველყოფს. პერიოდულობა დამოკიდებულია საჯარო უწყების მიმართ საზოგადოებრივ ინტერესზე. ინსტიტუციური დიალოგის ფორმატით პერიოდულობის გრაფიკი გულისხმობს, თვეში, არანაკლებ 3 შეხვედრას საჯარო უწყების წარმომადგენლებთან. შეხვედრების ადგილდებარეობა შესაძლებელია წარმოდგენილი იქნეს თბილისით და საქართველოს რეგიონებით.

რა დასაბუთება აქვს ინიციატივას?

ინსტიტუციური დიალოგის საჭიროება 2012 წლის ოქტომბრის საპარლამენტო არჩევნების შემდეგ, საქართველოსთვის აუცილებელი, დემოკრატიული პროცესების მიმდინარეობისთვის დამახასიათებელი ინსტრუმენტია. არჩევნების შედეგები ლიდერებმა, მათმა ავტორიტეტმა, პოლიტიკური ვითარების მიმართ კრიტიკამ და სხვადასხვა სოციალურმა ფაქტორებმა განაპირობეს, მაშინ, როდესაც ნაკლები ყურადღება ეთმობა საარჩევნო პროგრამებს, არჩევნებს, როგორც ინსტიტუციურ შესაძლებლობას ცვლილებებისათვის და მოქალაქის როლის გათვალისწინებას ქვეყნის მმართველის პროცესში. ასეთ საზოგადოებრივ არჩევანს ჰქონდა ობიექტური თუ სუბიექტური საფუძვლები, ისევე, როგორც დღეს საზოგადოება ნაკლებად ფლობს ინფორმაციას სიახლეების, ხედვების, ინიციატივებისა და პროექტების შესახებ, რომელიც ახალმა ხელისუფლებამ წარმოადგინა. მოსახლეობის ინტერესის აქცენტირება ხდება უარყოფით კონტექსტზე. ფიარის მალალი შესაძლებლობების ფონზე, მიმდინარეობს აღმასრულებელი და საკანონმდებლო ხელისუფლების საქმიანობისა და ინიციატივების დისკრედიტაცია, საზოგადოების ობიექტური ინფორმირების შინაგანი რწმენა გამოყენებულია პოლიტიკური წარმატებებისთვის და ინსტიტუციური დიალოგის საჭიროება თუ შესაძლებლობა, მთლიანად გამორიცხულია. ამიტომაც, აუცილებელია აღდგეს ჯეროვანი, ეფექტური კომუნიკაცია საზოგადოებასა და საჯარო ხელისუფლებას შორის, დაიწყოს პირდაპირი დიალოგი საჯარო უწყების წარმომადგენლებთან, პროფესიულ წრეებსა და არასამთავრობო სექტორს მიეცეს საჯარო ხელისუფლებასთან სრულფასოვანი კომუნიკაციის შესაძლებლობა.

ინიციატივის მოსალოდნელი შედეგები

- აღმასრულებელი, საკანონმდებლო და სასამართლო ინსტიტუციების მიმართ საზოგადოების ნდობის ამაღლება
- საჯარო უწყებების გამჭვირვალობა და ურთიერთობის უწყვეტობა საზოგადოებასთან
- მალალი საჯარო ინტერესის უზრუნველყოფა
- ახალგაზრდობის თანამონაწილეობა საჯარო

მოკლედ

- ორგანიზაციის ადვოკატმა საქართველოს უზენაესი სასამართლოში გაასაჩივრეს მოქალაქე მარინა ბ—ს საქმე, რომელიც უჩივის ყოფილ მეუღლეს შეძენილი ქონების მისაკუთრებაში.
- ორგანიზაციის ადვოკატებმა საქართველოს უზენაესი სასამართლოში დაიცვეს საქართველოს ადვოკატთა ასოციაციის ინტერესები ასოციაციის ეთიკის კომისიის გადაწყვეტილების ფაქტზე.
- ორგანიზაციის იურისტებმა იურიდიული კონსულტაცია გაუწიეს თბილისის ივანე ჯავახიშვილის სახელობის სახელმწიფო უნივერსიტეტის თანამშრომელს უნივერსიტეტის ადმინისტრაციასთან შრომით ურთიერთობის დავაში.
- ორგანიზაციის იურისტებმა იურიდიული კონსულტაცია გაუწიეს ეგვიპტის მოქალაქეს საქართველოში მინის შესყიდვის სამართლებრივ პროცედურებთან და შესაძლებლობებთან დაკავშირებით.
- ორგანიზაციის იურისტებმა იურიდიული კონსულტაცია გაუწიეს მოქალაქეს, რომელსაც სურდა გვარის შეცვლა.
- ორგანიზაციის იურისტებმა მონაწილეობა მიიღო „ცხის საერთაშორისო რეფორმის“ მიერ დავებში კონფერენციაში.
- ორგანიზაციის იურისტებმა მონაწილეობა მიიღეს სახელმწიფო შესყიდვებთან დაკავშირებული დავების განხილვის საბჭოს წევრთა 2013 წლის შერჩევის პროცესში და გამოთქვეს საბჭოსთან სამომავლო თანამშრომლობის სურვილი.
- ორგანიზაციის იურისტებმა მონაწილეობა მიიღეს „ახალგაზრდა კონსტიტუციონალისტების“ მიერ მომზადებულ კონფერენციაში, რომელიც ეხებოდა პარლამენტში ინიცირებული საკონსტიტუციო ინიციატივების განხილვას.
- ორგანიზაციის გუნდმა დაიწყო ახალი საიტის მომზადება. საიტის ინტერნეტში განთავსდება აგვისტოს მეორე ნახევარში.
- ორგანიზაციამ youtube.com უზრუნველყო საკუთარი გვერდის განთავსება და განახლება.
- ორგანიზაციამ განაახლა სამუშაო გუნდი და გამოცხადებული კონკურსის საფუძველზე მიიღო საზოგადოებასთან ურთიერთობის ახალი მენეჯერი.

მმართველობის პროცესში

- ინსტიტუციური დიალოგის კულტურის ჩამოყალიბება და განვითარება საქართველოში

ინიციატივის ფორალოგა

სტრუქტურული დიალოგი აღმასრულებელ, საკანონმდებლო და სასამართლო ხელისუფლებასთან იქნება პირველი შემთხვევა, რომელიც ახლებურად წარმოაჩენს და ხელს შეუწყობს საჯარო უწყების ანგარიშვალდებულების გაზრდას საზოგადოების წინაშე და ახალგაზრდობის მონაწილეობის უზრუნველყოფას საჯარო პოლიტიკის განხორციელების პროცესში. სტრუქტურული დიალოგის ფორმატში, შესაძლებელი გახდება, საზოგადოებრივად/სახელმწიფოებრივად მნიშვნელოვან საკითხებზე ერთიანი ხედვის ფორმირება და სწორი ორიენტაციის ჩამოყალიბება.

ინსტიტუციური დიალოგი აღმასრულებელ, საკანონმდებლო და სასამართლო ხელისუფლებასთან ურთიერთთანამშრომლობის დამკვიდრებას შეუწყობს ხელს.

ჩვენს შესახებ

„ახალგაზრდა ადვოკატები“ წარმომადგენს კერძო სამართლის არასამთავრობო (არაკომერციული) იურიდიული პირს, რომელიც თავის საქმიანობას ახორციელებს საქართველოს კონსტიტუციის, მოქმედი კანონმდებლობის, საერთაშორისო სამართალი აღიარებული პრინციპებისა და მიღებული წესდების (შინაგანაწესის, სტრატეგიული დოკუმენტებისა და ინსტრუქციების) შესაბამისად.

ორგანიზაციის მიერ განხორციელებული პროექტები/ინიციატივები 2012—2013 წლებში

1. პროექტი „საბჭოთა და პოსტ—საბჭოთა ქართული ანაბრების პრობლემის სამართლებრივი ანალიზი“, 2013
2. პროექტი „განათლების სისტემაში პოლიტიკური ნიშნით გათავისუფლებულთა სამართლებრივი დაცვა“ 2013
3. პროექტი „პარლამენტის წევრობის ახალგაზრდული ასაკის პოლიტიკური მიზანი და საერთაშორისო პრაქტიკის მიმოხილვა“. 2012
5. კვლევა: „საქართველოს პარლამენტისა და მსოფლიოს საკანონმდებლო გამოცდილების შედარებითი ანალიზი“ 2012
6. პროექტი „საარჩევნო პროგრამების მონიტორინგი“, 2012
7. კვლევა: „საპარლამენტო არჩევნებში მონაწილე პარტიების საარჩევნო პროგრამები“. 2012

8. კვლევა: „გამოხატვის თავისუფლების საკითხი დამოუკიდებელი ტელეკომპანიების საქმიანობაში“ 2012

9. დასკვნა: „ტელეკომპანია „მავსტროს“ ქონების დაყადაღების საკითხის სამართლებრივი და ეკონომიკური შეფასება“, 2013

„ახალგაზრდა ადვოკატები“, 2012 წლის ივლისიდან, აქტიურ უფლებადაცვით საქმიანობას მიმართავს და ახალგაზრდულ არასამთავრობო ორგანიზაციათა შორის, აქტიური წვლილი შეაქვს დემოკრატიული ღირებულებების, ადამიანის უფლებების/თავისუფლებების დაცვისა და კანონის უზენაესობის მხარდაჭერაში. ორგანიზაცია ახორციელებს სტრატეგიულ საქმისწარმოებას, რაც საადვოკატო საქმიანობის ფორმებთან ერთად, გულისხმობს მჭიდრო ურთიერთობას საქართველოს აღმასრულებელ, საკანონმდებლო და სასამართლო ხელისუფლებასთან. ამ მიმართულებით, „ახალგაზრდა ადვოკატები“ ჩართულია საქართველოს პარლამენტთან არასამთავრობო ორგანიზაციათა დიალოგის ჯგუფის ფორმატში, მონაწილეობს სამთავრობო უწყებებთან არსებული საზოგადოებრივი მონიტორინგის შემადგენლობაში, თანამშრომლობს საქართველოს სახალხო დამცველის აპარატთან, პროფესიულ გაერთიანებებთან, საქართველოში საერთაშორისო ორგანიზაციებთან და დიპლომატიურ კორპუსთან, წარმოადგენს ახალ-



გაზრდულ ალიანსს: „ეკონომიკური სამართლიანობისა და ბიზნესის თავისუფლებისთვის“.

„ახალგაზრდა ადვოკატები“ ორიენტირებულია კვლევით საქმიანობაზე, ამზადებს თემატურ დასკვნებსა და რეკომენდაციებს, მრგვალ მაგიდას აქტუალური თემების გაშუქებისა და დისკუსიისათვის. ამასთან, ორგანიზაცია ძირითადად სტრატეგიულად აცხადებს: ჩართულობის უფლებებისა და კანონის უზენაესობის პროცესში, მართლმსაჯულების დამოუკიდებლობის, კანონმდებლობის ექსპერტიზის, პროფესიული განვითარების, არასრულწლოვანთა მართლმსაჯულების განხორციელების, თვითმმართველობების ინსტიტუციური გაძლიერების, მოწყვლადი ჯგუფების უფლებების დაცვის, მედია-ადვოკატირების, არჩევნების მონიტორინგისა და ახალგაზრდული პოლიტიკის განხორციელების პროცესში.

„ახალგაზრდა ადვოკატების“ გუნდი აქტიურ მონაწილეობას იღებს საზოგადოებრივი ინიციატივების შექმნასა და განხორციელებაში. ორგანიზაციის საქმიანობას ფართო ყურადღება ეთმობა მედიაში.

ორგანიზაცია და არჩევნები - 2013

„ახალგაზრდა ადვოკატებმა“ საპრეზიდენტო არჩევნების პროცესთან დაკავშირებით, ივლისში, რამდენიმე გამომხატველი მოამზადა. მათ შორის, მიმართვა საქართველოს ცენტრალური საარჩევნო კომისიის თავმჯდომარის მიმართ, პრეზიდენტის მიერ არჩევნების თარიღის დანიშვნასა და ცსკო-ს გადაწყვეტილებაზე, რომლითაც, 97 ათასს ამომრჩევლებს არჩევნებში მონაწილეობის უფლება შეეზღუდა. ამასთან, „ახალგაზრდა ადვოკატებმა“ მოამზადეს პროექტი „ინფორმირებული მალაქითიანი რეგიონის მოსახლეობა საპრეზიდენტო არჩევნებისათვის“. პროექტი წარდგენილია „ნდობის გაზრდა საარჩევნო პროცესებისადმი“ საგრანტო პროექტის ფარგლებში. „ახალგაზრდა ადვოკატები“ მზადყოფნას გამოთქვამს განახორციელოს 2013 წლის ოქტომბრის საპრეზიდენტო არჩევნების დაკვირვება და მონიტორინგი.



ცსკო-ს შეხვედრა გადამწყვეტილია

„ახალგაზრდა ადვოკატები“ გამოეხატა რეგისტრაციიდან მოხსნილი პირებისთვის არჩევნებში მონაწილეობის უფლების ჩამორთმევას და ცენტრალური საარჩევნო კომისიის თავმჯდომარეს, ზურაბ ხარატიშვილს რეკომენდაციით მიმართა. ცენტრალური საარჩევნო კომისიის 2013 წლის 8 ივლისის გადაწყვეტილებით, რეგისტრაციიდან მოხსნილი ამომრჩევლები, 2013 წლის 27 ოქტომბრის არჩევნებში, მონაწილეობას ვერ მიიღებდნენ. ასეთი ამომრჩეველთა რაოდენობა 97 000 აღემატებოდა, თუმცა საარჩევნო ადმინისტრაციამ გაითვალისწინა სხვა არასამთავრობო ორგანიზაციათა პოზიცია და მიღებული გადაწყვეტილება გააუქმა.

ორგანიზაციის იურისტის, მარიან ნეფარიძის განცხადებით, რეგისტრაციიდან მოხსნილი ამომრჩეველთათვის ხმის მიცემის უფლება, ერთის მხრივ, წარმოშობდა რისკს, რომ ასეთი ამომრჩევლები ერთდროულად აღმოჩნდებოდნენ ორი საარჩევნო უბნის სიაში, რაც ზიანს მიაყენებდა ამომრჩეველთა სივრცის სიზუსტეს და წინააღმდეგობაში მოდიოდა საარჩევნო კანონმდებლობის მიზნებთან, მეორეს მხრივ, რეგისტრაციიდან მოხსნილ პირთათვის ხმის მიცემის უფლების ჩამორთმევა წინააღმდეგობაში აღმოჩნდებოდა ამომრჩეველთა კონსტიტუციური უფლებების რეალიზებასთან და 97 000-ზე მეტ ამომრჩეველს დისკრიმინირებულ მდგომარეობაში ჩააყენებდა.

საქართველოს კონსტიტუციის 28-ე მუხლი, არჩევნებში მონაწილეობის უფლებას 18 წელს მიღწეულ საქართველოს ყველა მოქალაქეს ანიჭებს. ამავდროულად, მუხლის მეორე ნაწილით, არჩევნებში ხმის მიცემის უფლება არ აქვთ მხოლოდ იმ მოქალაქეებს, რომელიც სასამართლომ ცნო ქმედუწიაროდ ან სასამართლოს განაჩენით იმყოფება სასჯელსრულების დაწესებულებაში. აღნიშნულიდან გამომდინარე, „ახალგაზრდა ადვოკატები“ მიიჩნევენ, რომ ცსკოს გადაწყვეტილება იყო არაკონსტიტუციური. როგორც პრიფინგზე ორგანიზაციის იურისტმა განაცხადა, კონსტიტუციური პრინციპების დაცვა საარჩევნო კანონმდებლობის მიზნებზე მაღლა უნდა იდგეს.

„ახალგაზრდა ადვოკატებმა“ საზოგადოებას აქალობისა და თაყვანისმცემების მოწოდება

„ახალგაზრდა ადვოკატები“ გამოეხატა 27 ივლისს, თბილისში, გამოფენასთან დაკავშირებით, ერთიანი ნაციონალური მოძრაობის პრაიმერიზის პარალელურად, პარტიის მიმართ უარყოფითად განწყობილი მოქალაქეების შეკრებას. ორგანიზაციამ პრეს-რელიზი გაავრცელა, სადაც აღნიშნულ იქნა, რომ დემოკრატიული სახელმწიფოს პრინციპია მოქალაქეებს ჰქონდეთ შესაძლებლობა შეკრებებზე გამოთქვან თავიანთი პოლიტიკური შეხედულება და მანიფესტაციების საშუალებით საჯაროდ გამოხატონ თავიანთი შეხედულებები. შეკრებისა და მანიფესტაციის უფლების დაცვა განსაკუთრებით მნიშვნელოვანია წინასაარჩევნო პერიოდში, თუმცა უფლებების დაცვა ცალმხრივად, მხოლოდ სახელმწიფოს მხრიდან ვერ მოხერხდება. ქვეყნის ინტერესების დასაცავად, აუცილებელია საზოგადოება არ გასცდეს კონსტიტუციით დადგენილ ჩარჩოებს და შეკრებას ძალადობრივი ხასიათი არ მისცეს.

განცხადებაში აღინიშნა, რომ ორგანიზაცია ითვალისწინებდა 2013 წლის 20-21 ივლისს ბათუმსა და ზუგდიდში გამართული წინასაარ-



ჩევნო კამპანიისას მომხდარ შემთხვევებზე ფაქტებს და თბილისში დაგეგმილ შეხვედრებზე, საზოგადოებას ძალადობრივი ქმედებებისგან თავის შეკავებისკენ მოუწოდებდა. ორგანიზაციამ თითოეულ მოქალაქეს მიმართა, არ დაეინყსათ, რომ შეკრებისა და მანიფესტაციის უფლების ბოროტად გამოყენება დააზიანებდა ქვეყნის დემოკრატიულ პრინციპებს.

პრაიმერიზი ემიგრანტთა საპარტოვლო მოქალაქეებს საარჩევნო უფლების გაზრდა გეგმავს

„ახალგაზრდა ადვოკატები“ საპრეზიდენტო არჩევნების თავდაპირველ თარიღად 31 ოქტომბრის გამოცხადებას გამოეხატა უკმაყოფილო და პრეზიდენტის მიმართ, შეეცვალა არჩევნების დღე. ორგანიზაციამ პრიფინგის სახით საზოგადოებას მიაწოდა ინფორმაცია, რომ საქართველოს მოქალაქეები, რომლებიც დროებით მსოფლიოს 32 ქვეყანის ემიგრაციაში იმყოფებიან, 2013 წლის ოქტომბრის საპრეზიდენტო არჩევნებში, 31 ოქტომბრის საარჩევნო დღეს, სრულფასოვან მონაწილეობას ვერ მიიღებდნენ. ორგანიზაციის შეფასებით, საქართველოს პრეზიდენტის მიერ საარჩევნო დღედ გამოცხადებული 31 ოქტომბერი, საქართველოსგან განსხვავებით, სამუშაო დღეს წარმოადგენს უცხოეთში მყოფი ქართველი ემიგრანტებისთვის, რაც თავის მხრივ, სამართლიანი და ობიექტური არჩევნების ჩატარების წინაპირობებს ვერ ქმნის. პრეზიდენტის გადაწყვეტილების მიღებისას უნდა გათვალისწინებინა საქართველოს მოქალაქეების პოლიტიკურ-სამართლებრივი კავშირი საქართველოს სახელმწიფოსთან და დემოკრატიის განხორციელების პროცესში, მათი უშუალო მონაწილეობის პროცესში, თუმცა 2013 წლის ოქტომბრის საპრეზიდენტო არჩევნებში, შესაძლებელია, მათი თანამონაწილეობის მნიშვნელობა, იგნორირებული აღმოჩნდეს. „ახალგაზრდა ადვო-

კატების“ შეფასებით, პრეზიდენტის გადაწყვეტილება სამართლებრივად და პოლიტიკურად გაუმართლებელი იყო, რითაც უცხოეთში მყოფი საქართველოს მოქალაქეების საარჩევნო უფლებებს ხელყოფდა.

„ახალგაზრდა ადვოკატებმა“ მიმართეს პრეზიდენტს, რათა უზრუნველყო მიღებული გადაწყვეტილებების კორექტირება, რათა საპრეზიდენტო არჩევნებს ჰქონდა შესაბამისი ლეგიტიმაცია და მხარდაჭერა. ამასთან, „ახალგაზრდა ადვოკატები“ გამოვიდნენ ორი რეკომენდაციით და მიმართეს საქართველოს მთავრობას და საქართველოს უშიშროების საბჭოსთან არსებულ უწყებათაშორის კომისიას. ორგანიზაცია მიიჩნევს, რომ საპრეზიდენტო არჩევნების ჩატარება, საპარლამენტო არჩევნებისგან განსხვავებით, აუცილებლად უნდა მოხდეს რუსეთის ფედერაციაში. როგორც ცნობილია, საქართველოდან ემიგრაციის ყველაზე დიდი ნაწილი სწორედ რუსეთში ცხოვრობს. ამ თვალსაზრისით, საჭიროა საქართველოს მთავრობამ დაიწყო აქტიური დიპლომატიური შესაძლებლობების გამოყენება და არჩევნების ჩატარების საკითხი რუსეთის ფედერაციასთან ურთიერთობისას საქართველოს მთავრობის სპეციალურმა წარმომადგენელმა დააყენოს.

ორგანიზაცია მიმართავს საქართველოს უშიშროების საბჭოსთან არსებულ უწყებათაშორის კომისიას და საჭიროდ მიიჩნევს წინასაარჩევნო პროცესში მკაცრად შეფასდეს ყველა შესაძლო შემთხვევა, რომელიც დაკავშირებული შეიძლება აღმოჩნდეს საჯარო სამსახურში დასაქმებულთა მიმართ თავისუფლების გამოვლენის ზემოქმედებასთან. საქართველოს, ამ მიმართულებით, ცუდი პრაქტიკა გააჩნია, ხოლო უწყებათაშორის კომისიას - არაეფექტური მუშაობის გამოცდილება.

შეგახსენებთ, რომ მსოფლიოს 32 ქვეყნის 38 ქალაქში, საპარლამენტო არჩევნების პერიოდში, 40 საარჩევნო უბანი ფუნქციონირებდა. არაოფიციალური ინფორმაციით, დღეს საქართველოს 1 მლნ 900 000 ათასი ემიგრანტი ჰყავს.

„ახალგაზრდა ადვოკატებმა“ სამუშაო გუნდი განაახლა

„ახალგაზრდა ადვოკატების“ სადამფუძნებლო საბჭოს 2013 წლის 4 ივლისის გადაწყვეტილებით, სოფიო აზარიშვილმა ორგანიზაციის საზოგადოებასთან ურთიერთობის მენეჯერის პოზიცია დაიკავა, ხოლო ნინი ისაკაძე, ანა კიკნაძე, ლევან ბერაძე და ჯაბა სირაბიძე იურისტის უფლებამოსილებას შეასრულებენ. ამასთან, ორგანიზაციის წევრი ადვოკატობის სურვილი გამოთქვას საქართველოს ადვოკატთა ასოციაციის 35-წლამდე სერტიფიცირებულმა წევრებმა, რომელთა მიმართაც, ორგანიზაციის სადამფუძნებლო საბჭო, აგვისტოში წევრობაზე გადაწყვეტილებას მიიღებს.



ჯაბა სირაბიძე



ანა კიკნაძე



სოფო აზარიშვილი



ნინი ისაკაძე



ლევან ბერაძე

Non-Profit Human Rights NGO Young Barristers არასამეწარმეო (არაკომერციული) იურიდიული პირი „ახალგაზრდა ადვოკატები“



ახალგაზრდა ადვოკატები
YOUNG BARRISTERS

მისამართი: თბილისი, საბურთალო, ვაზისუბნის ქუჩა №7;

E-mail: pryoungbarristers@yahoo.com, pryoungbarristers@gmail.com; Tel: 551 081803, 2 374509, 2374503; www.barristers.ge; www.facebook.com/ახალგაზრდა ადვოკატები

ორგანიზაციის სადამფუძნებლო საბჭო: არჩილ კიკაციშვილი, მარიკა არევაძე, თინათინ ნიბლოშვილი

ორგანიზაციის გუნდი: სოფიო ლეჟავა, მარიამ ნეფარიძე, ნინი ჯაჯანიძე, ნინო ლაჭავაძე, ნინი ისაკაძე, ანა კიკნაძე, ლევან ბერაძე, ჯაბა სირაბიძე, გიგა ასანიშვილი, რობი გეთიაშვილი

სოფიო აზარიშვილი - საზოგადოებასთან ურთიერთობის მენეჯერი; გუკა ბაკურაძე - ოფის-მენეჯერი; გულა არევაძე - ფინანსური მენეჯერი